


例案續增 十下



漢	書	門	九	五	七	九
類	號	函	架	冊	四	一

漢	書	門	九	五	七	九
類	號	函	架	冊	四	一

內閣文庫	
番號	漢 9579
冊數	40 (12)
函號	296 98



給賑糶穀石運費

戶部爲請給賑糶運費以臻畫一事議得江蘇巡撫卽疏查被災

州縣應需賑糶米穀協撥一案先據江蘇布政使張渠奏請本邑

鄰境俱給運費等因臣部檢查定例並無准給之案卽該撫奏稱向

于存公銀內酌給之處亦係各該督撫自行酌給並未報部查上年

九月內安撫趙題報賑濟案內准給腳價係因各縣在倉穀石不

敷議定省倉監米撥補其同程途轉運非本邑鄰境撥支者可比又

提臣高奏請平糶一案其所糶價銀例應赴產米各地方買運還

倉腳費亦所必需是臣部議令于存公銀內給發均與鄰邑本邑撥

運賑濟者不同且布政使張渠前奏內並未將協撥各屬有相距三

四百里之處詳細聲明臣部難于懸定是以未經議給今該撫卽

既經查明協撥之州縣有相距三四百里者所需腳費照例一體准

于存公耗羨項下核給報銷等語應如所請將協撥被災州縣穀石
應需運費酌量在于存公耗羨銀內撥給造入年底送部冊內報銷
仍將經運程途遠近并作何酌給之處分晰報部查核可也乾隆二
年四月十一日奉

旨依議

豁免內河沉失漕舡米石并賑恤淹死旗丁水手

乾隆二年九月十五日奉

上諭據倉場總督塞爾赫等 奏稱本年六月十八日有金衛所運丁池
斯連漕舡在臨清州地方因連日大雨水勢洶湧把總哈倭催促前進
以致撞石沉溺失止耗米七百十二石帶運臨磚二十塊淹斃水手副
丁等五名查裏河漂流者無豁免之例但此次寔因水大湍急片板粒
米無存運丁以舡爲家今家破人損力難賠補理合 奏聞等語漕運

舡隻在裡河漂流者雖不准豁免之例但念池斯連船糧適值大雨之
時水大湍急人力難施把總又復催促前進以致失事兼傷人口情寔
可憫着將漕米舡隻並免賠補其淹斃副丁水手照例賑恤欽此

浙省被災州縣准改折漕糧

浙撫盧 爲請折被災漕米等事切查湖州府屬之烏程安吉長興
孝豐等州縣及湖州一所金華府屬之東陽一縣被有旱災并湖州
府屬之歸安烏程二縣又被雹災業經大學士臣嵇 彙題情形并
將被災田地漕米折征在案又遵

旨密議事案內大學士臣嵇 奏請將安吉烏程歸安長興四州縣漕米
照雍正十一年之例改折准部覆以山田偶被旱災并全省秋收歉
薄者可比應毋庸置議等因今彙報安吉等事案內被災田地應征
南米照依地丁銀兩一例扣蠲漕米一項遵照原議辦理其餘成熟

田地應征漕南米石仍照常征收等因查安吉等州縣雖係偏災黎民同爲失所全省並未豐收鄰邑難以通勻客販久未通行外省輓運亦屬有限不但災民無力買米上倉寔係無民可買勢必有誤正供是以大學士嵇 援例請折未荷議准臣伏思漕米上閩天庾何敢固請改折現在遵照開征但災田非歉收可比勘不成災之田畝與成熟不同民力維艱米無所出卽敲朴從事亦完納不全仰請天恩以甦民困除湖州所無額征南漕二米其安吉烏程歸安長興四州縣成熟田地遵照部議照常征收所有被災田地按分扣蠲外尚有應征南米漕米請緩至次年麥熟之候每石折征銀一兩勘不成災田畝原非成熟應請一例改折至孝豐東陽原無漕米僅有南米並請照折查被災田畝及勘不成災田畝應折南漕米石爲數有限天庾經費雖多改折無幾可否仰邀

皇上破格施恩准其改折則被災窮黎均沾寔惠矣乾隆二年十二月初六日奉

硃批着照盧焯所請行該部知道

更定浙省捐輸社會分別獎勵定例

戶部爲謹陳積貯未盡事宜以收寔效事議得原任浙撫盧 疏稱
褒多益寡乃閭閻任卹之風勸善興仁寔

朝廷鼓勵之典茲准部咨社會捐輸無論多寡雜糧均聽捐輸作何獎勵行令妥議具 題辦理等因當經轉行查議去後今據布政使張詳稱查雍正二年奉准部行十石以上給以花紅三十石以上給以匾額五十石以上先報上司遞加獎勵年久數多捐至三四百石者請給八品頂帶遵奉在案今請于前例之中稍爲變通如士民捐穀至十石以上者州縣給以花紅鼓樂導送捐三十石以上州縣給匾

五十石以上詳報知府給以匾音八十石以上詳報巡道給以匾額一百石以上詳報布政使獎給匾音捐至一百五十石以上詳報督撫二院給匾獎勵若果有好善不倦年久樂輸救多捐至三四百石者照例請題給以八品頂帶榮身如捐至于石以上又係有職之員應請奏

聞分別職銜大小酌量議叙至浙省雜糧應請照谷石之數畫一獎勵等因應如所議令閩浙總督兼理浙江巡撫事務德通飭各屬實力奉行務令勸諭捐輸聽從民便不得抑勒苛派以滋擾累至浙省雜糧價值該撫既稱較穀價不甚懸殊亦應如所議有捐輸雜糧即照穀石之數畫一獎勵可也等因乾隆六年八月日奉

旨依議

派買倉谷雖價值全給不准減等

刑部爲特叅貪劣不職之州牧以儆官邪事會議得東撫晏 審

題叅革德州知州張文燦貪劣不職一案查原任德州知州張文燦先經原任東撫朱定元以貪劣題叅革職發審在案今該撫既稱該員原叅多收餘耗冒領夫銀多勒碾米縱容家人各重罪審虛等語應將原任德州知州張文燦原叅革職之案照例准其開復其借給驛夫米麥囑令當商買補倉穀均應照例議處該撫雖稱張文燦將米麥借給驛夫不行詳明應照應申上而不申上笞四十公罪律于補官日罰俸六個月等語但查驛夫工食理應按季給領張文燦擅動糧石先期給發預指夫工銀兩扣抵殊屬不合查定例官役俸銀工食不按季給發全給者降一級調用等語張文燦應照例子補官日降一級用又該撫疏稱張文燦囑令當商代買倉谷係照時值墊補價銀全數給發與轉發里遞照派花戶並短價勒派者有間可

否照律減等科斷等語但查定例內州縣官採買穀石如不親身平買運漕轉發里遞照派勒令採買者將州縣官降三級調用等語是州縣穀石官員不親身採買令他人代買卽應照此例議處並無價價全數給發得邀減等之條今張文採囑令當商代買倉穀應照例于補官日再降三級用乾隆八年五月十二日奉

旨依議

川省運江米石價脚准令川省自行開銷不必在江解還

戶部爲奏明酌辦川米等事據蘓撫陳 奏請川省協撥江南米石價銀應聽川省就款開銷一摺奉

硃批該部議 奏欽此欽遵查江南賑糶需用川省米谷接濟一案先于本年四月內據川撫顧 谷報派撥近江易運州縣常平倉監穀二十萬石飭令礮礮委員運送江南蕪湖地方交卸倘礮礮不及者准

其米穀兼送所需運糶并委員一切雜費將來作何清還倉糧運到江南應作何解交川省糧價之處除咨商江南督撫外相應咨明等因在案所有川省撥運米穀價銀并一切運費等項自應江南解還川省歸款今蕪庫既無堪動之項無可通融借解則江省川省均屬國帑原無彼此之分應如蘓撫陳 所奏將應還川省米穀價銀并一切運費准令就款報銷並令川撫將礮礮解運並雜費銀兩據寔造報乾隆八年五月二十五日奉

旨依議

各省如有需用川糧須自辦價脚

戶部爲遵

旨籌畫採買川米事查得川督慶 川撫紀 均稱川省米價平減趁此豐盈之日請動司庫銀兩購買等語查四川省原爲產米之鄉既係

連歲豐稔米價平減恐至谷賤妨農自應及時動項採買以資備用
應如該督等所請准其動支雜稅銀三萬兩地丁銀十二萬兩飭令
各屬員會同地方官照依時價採買卽收貯沿江州縣空出倉內令
地方官加謹收貯其採買米穀不拘額數如遇價昂卽行停止總在
該督撫隨時酌量辦理至委員并酌帶人役先據調任川撫顧于
撥運江南穀石案內 奏請兌運每員月給日費銀十兩協運每員
月給銀六兩斗級每名日給銀六分等語在案但查前項日費係遠
運江南是以議給今以川省之佐雜採買本地之米石價昂卽止價
賤再買既無額數又無限期若援照江南委員日費各數議給未爲
妥協應令該督等另行妥議報部至所稱隣省需糧接濟一切碾運
各費川省艱于墊給等語查川省撥運江南接濟監穀二十萬石所
有米谷價銀及碾運各費原應解還川省因江省災荒無項可解係

一時權宜之計今該督等既稱將來遇隣省自需糧接濟一切碾運各
費川省艱于賠墊應如所請嗣後隣省如有需用川糧接濟者所有
一切碾運各費令該省交給委員資帶川省自行辦理其應還糧價
亦應令該省照數解川歸款可也乾隆八年十一月十二日奉
硃批依議速行

米艇遇風遽將米畚棄水中駁查

戶部爲詳請援律 題豁事查得蘄州巡撫陳 以崇明縣知縣許

惟枚乾隆五年秋成動支糶價赴上江運漕地方買補倉儲陸續運
回內有一艇裝米五百二十四石零運至昭文縣洋面猝遇颶風打
沉全舟覆沒淹死二人又艇一隻裝米三百十二石同日艇至洋面
亦遇颶風打落桅蓬幸得艙米畚棄一半始得艇輕颶岸寔失米一
百四十八石取結 題請豁免等因查蘇屬常平倉均貯米石于雍

正九年經臣部議覆原任蘓撫喬世臣條 奏案內以存七糶三之外准其酌量平糶卽將原銀平色解存府庫秋收之後一回報明一百俟米價平時卽行領買按年造冊送部具 題查核在案今崇明縣知縣許惟枚乾隆五年春間平糶動支糶價採買米石從前並未報部而該省乾隆五年各屬均貯米石買補平糶各數該撫尚未造冊題報其前項所開漂失米石是否確係該縣買補均貯平糶米石抑或該縣虧缺捏報平糶採買漂沒之處臣部均無憑稽核未便遽准豁免應令該督撫等詳晰確查具 題到日再議至疏稱一舡裝米三百十二石舡至洋面因遇颶風打落桅篷將倉米畚棄一半米一百四十八石一并請豁等因查會典內開大江河漂沒搶救者將所搶米石晒帶各舡運送若坐視不救及雖係漂流損失不多乘杙侵盜者照例治罪賠補今因遇颶風何得遽將舡內存載之米畚棄

水中應令該撫陳 將前項畚棄米石令買運官員賠補可也乾隆八年十一月二十一日奉

旨依議

直隸山東被災米貴准漕舡酌賣餘米

大學士鄂 等爲敬陳管見事巡漕御史王興吾條 奏直隸山東去歲偶被偏災今漕舡北上每舡暫准糶賣餘米十石以濟民食等因一摺查重運漕舡從前欽奉

諭旨許其糶賣餘米嗣恐旗丁盜賣正糧是以復行禁止今該御史王興吾以直隸山東去歲偶有偏災米糧價貴請將本年重運漕舡餘米准其糶賣臣等伏查直隸河間等處上年偶被偏災欽奉

諭旨撥運漕糧採買米石議賑議糶多方撫恤凡屬災黎俱已得所惟是日今青黃不接之際民間正需食米若將本年重運旗丁所帶餘米

仰安續地 卷一
每甬酌定教目令其于德州天津等處糶賣于彼地貧民有益事屬
可行應如該御史王興吾所 奏行令總漕及巡漕御史轉飭各帮
弁丁將本年所帶餘米每甬以十石爲率准其于德州天津等處報
明該管押運員弁令其及時糶賣將所賣教目報明總漕倉場查核
至沿途賣米必須稽察查駐劄德州糧道有督運抵通之責恐難兼
顧應專令天津巡漕御史實力稽查飭令押運員弁約束帮丁毋許
于十石之外多行糶賣如有帮丁多賣以及沿河弁役需索滋事情
弊立即嚴拿治罪倘該管押運員弁有扶同徇縱等事亦卽一併叅
究再此次帮甬暫准酌賣餘米係因時籌辦嗣後仍照定例遵行乾
隆九年二月十四日奉

旨依議速行

酌增甘省運糧腳價

大學士鄂 爲遵

旨密議具 奏事查得甘肅布政使徐 奏稱甘省地處邊疆山多路險
輓運均係陸路全須借用民力等因一摺奉

硃批大學士會同該部密議具 奏欽此查甘省運糧定例每倉石每百
里給腳價銀一錢今據該布政使徐 奏稱甘省一切輓運無論河
東河西均照柳林河屯槩以每倉石每百里一錢六分給發等語查
運糧腳價如果不敷支用自應酌量增給惟是甘省河東運價從前
因軍需之際車畜料草均屬昂貴是以陝督岳 奏請每石每百里
以一錢六分給發至柳林湖屯地處極邊每年運送平分糧石在寬
車畜需用較多荷蒙

特恩准以一錢六分寬裕增給今軍需久已停止而各州縣平時買補常
平米穀及一切撥軍接濟等項多係近地且非常年輓運之項亦難

與柳州湖屯金論該布政使徐以甘省幅頓廣濶山多路險並無水徑可通一切輓運均係陸路每石每百里一錢腳價實屬不敷奏請概以每倉石每百里給一錢六分雖較之軍需每京石每百里給銀一錢六分之數稍減而于一錢之舊例則已過多臣等酌中定議嗣後河東河西運糧腳價照依舊例量增銀三分每倉石每百里請以一錢三分給發庶運腳足敷而小民亦得踴躍急公矣乾隆九年三月二十六日奉

硃批依議

漕舡起欠買補免究

倉場侍郎吳為請旨事伏查漕糧到通名有起欠向准收買餘米照數抵補嗣于乾隆二年戶部覆准和親王等條奏幫丁無故起欠一槩不准買餘抵補即行照例叅處仍令官丁分賠于下年搭

解等因在案蓋以旂丁晉解米石原係足數苟非沿途盜賣何致到通起欠是以一丁有虧別船雖有餘糧亦不准收買抵欠以杜盜賣之源法至善也近年以來弁丁咸知法紀起欠者少且去歲各省到通漕舡全無起欠乃今年到通南糧舡隻共二十餘幫現據坐糧廳善寧等呈報鳳陽等幫起欠米石將來起欠之幫仍恐不免臣等已檄該廳查取職名照例叅處但臣等細訪今歲情形有不可與往歲相比而論者緣每歲漕糧俱係冬兌冬開早到通者亦得及早回空去冬因挑挖中河展限一月旂丁停泊守候不無煩費又宿遷河口等處水勢微弱打溜打關在在皆需人力一切添緯加夫等項用度更為浮多且天津河間等處被災巡視淮安御史王興吾奏准令旂丁每舡內准糶賣餘米十石固屬接濟民食調劑權宜之舉惟是各幫旂丁或因從前用度浮多借糶賣十石之名多賣些需亦未

可知臣等伏思弁丁違例惟有盡法究處以示懲儆但今歲情形非
往年可比再四籌畫暫爲變通今歲起欠之丁准其於本幫暨別帮
食米內買補必須一色新米送樣驗看後方准續行過垣似與倉儲
有益其已欠之帮卽照此辦理如再不能完按例治罪乾隆九年五
月二十三日奉

旨依議今年照所 奏行後不爲例

風雨猛驟碰捐漕糧船隻免其賠補處分

乾隆九年八月初二日奉

上諭據倉場侍郎吳拜等 奏稱本月初七日夜聞風雨猛驟并河水勢
陡長丈餘將興武三帮旂丁鄭士元張煥陳九如鄭子明清舡四隻遭
風碰壞淹沒人口虧折石米又興武七帮旂丁蔣堯臣楊俊崇回空舡
隻八帮旂丁尹礪逸回空船一隻亦於是夜遭風碰擊破損雖因風

起倉猝不及隄防然疎忽之咎究亦難辭應請將漂沒虧折漕米照例
責令賠補損壞舡隻責令賠造押運官弁移咨吏兵二部議處等語今
年七月初旬暑雨滂霏河流驟長昏黑之夜漕舡被風人力難以搶救
尚非運官旂丁疎忽之故查雍正十一年六月間曾因風大水湧撞沉
漕糧舡隻蒙

皇考聖恩免其賠補賠修并官弁處分今年情事與雍正十一年相類着
將賠補米石賠修舡隻并官弁處分之處悉行寬免倘將來運官旂丁
等因有屢次寬典不加意防護或有捏報等弊一經察出定行從重治
罪欽此

買米腳價在未定程途以前照舊准銷

一戶部爲遵

旨議 奏事查得浙撫常 疏稱咨查各省據南昌等縣結覆李秀等買

價折是核算有減無浮再運倉脚價費用分晰水陸程途里數報銷定例在于乾隆九年春間各員採買米石係乾隆三年之事長途水脚在未定水陸程途以前按時價之低昂給發但較核同時同地有別案准銷價脚不無浮多之處仍應核寔請銷所有各員比例應減價脚本應遵部行減交倉脚費共銀一千四百一十六兩一錢六分七厘五毫現在嚴催還項寔應銷價脚銀一十一萬九千五百八十七兩五錢八分三厘四毫等語查委員李秀等赴江廣等省採買前項米石用過價值銀兩既據該撫咨查各省取具原買地方市價無浮印結送部其所用水脚銀兩據稱係在未定水陸程途以前按時給發用過價脚仍核同時同地別案准銷價脚比例核減金將交倉脚費銀兩一併刪減應將用過價脚銀一十一萬九千五百八十七兩五錢八分三厘四毫准其開銷仍令該撫常將合減銀一千四

百一十六兩一錢六分七厘五毫在于各委員名下照數追繳歸還原項報部查核可也乾隆十年八月初九日奉

旨依議

夾納官鉛攪和鉄渣比照治罪

刑部爲遵

旨速議具 奏事議得貴撫開 奏威寧州屬媽姑廠爐民羅應先等藉民居奇拴毆廠員一案查定例直省刁惡頑梗之輩因事聚眾闖堂塞署逞兇毆官積至四五十人以上者爲首照例擬斬立決一而具題一而正法仍照強盜殺人例梟示其有同謀聚眾轉相糾約下手毆官者雖屬爲從其同惡相濟與首犯無異亦應照光棍例擬斬立決其餘爲從之犯照例擬絞監候等語此案羅應先因族兄羅其能佔地被責旋經斃命輒敢號召多八擁入官房將廠員龔憲臣逞忿拴

歐逼寫毆斃甘結藐法抗官寔屬首惡應斬決梟示劉若海先聽聞
羅應先藉命往講之言卽關至官房逼令廠員寫立甘結後控勒守
屍同惡共濟寔與首犯無異應絞斬立決會高則同進官房喝令廠
員寔屬爲從應擬絞監候其例應斬梟之羅應先及斬央之劉若海
應如該撫所 奏卽行正法會高則亦應如所 奏照光棍爲從例
擬絞監候秋後處決該撫 奏稱羅宗堯華亮華翰奇玉胡漢奇然
後復同附和至廠開唐二趁開逼取渣鉛收票均應照爲從例減
一等杖一百流三千里劉駝子聽從唐二逼取渣鉛收票黃齊天淡
嫌乘開辱罵廠員羅全則李天成聽從羅應先出名捏告均應照隨
從擬流之羅宗堯等酌減一等各杖一百徒二年唐作賢劉受天交
納官鉛澆和鉄渣均應比照丁船將日土攬和漕糧例杖一百徒三
年劉有如攬托裸長轉央給票巡役余焜郭全魁李明玉傅 不行

救護均應照不應重律各杖八十余焜等仍俱革役無知之羅高貴
等均毋庸議等語應如該撫所 奏元結可也奉

旨依議欽此乾隆十六年九月邸抄

私賣銅劬比依私鹽律治罪

刑部爲特叅貪鄙聞聳等事該臣等會議得叅革貴陽州知州汪度
貪鄙不職一案據湖撫范 疏稱原叅汪度各款俱經審明查汪度
侵欺稅銅一千五百六十四劬八兩八錢四分共銀二百七十四兩
九錢九分九厘入已將汪度依監守自盜律擬斬准徒蕭天臣等擬
徒等因具 題前來應如該撫所 題汪度除失察親友賄放私銅
及審斷遲延濫禁平人各輕罪不議外其私准砂夫開壘匿不具報
侵收稅銀稅銅入已共計銀二百七十四兩九錢九分九厘合依人
戶已納課程官吏人役有隱瞞侵欺者並計賍以監守自盜四十兩

例案續編 卷十
斬係雜犯准徒五年律應徒五年至配所杖一百係貪官不准收贖
永不叙用該撫既稱私賣銅勛律無治罪正條儘貴陽州厥銅係資
供鼓鑄毋論額銅餘銅絲毫不許偷漏蕭大臣係爐戶乃敢行賄偷
買除行賄輕罪不議外合依比照監場竈下夾帶餘鹽貨賣者同私
鹽法律杖一百徒三年李廷玉張古奇收買餘銅行賄運賣除行賄
輕罪不議外合比依無引私鹽律杖一百徒三年湯師文知情故買
合比依買食私鹽因而貨賣例杖一百徒三年巴七淡岳廷除得枉
法贓計贓罪止杖責不議外合比依知情故縱私鹽與犯人同罪律
各杖一百徒三年汪度所得稅銀及稅銅作價二共銀二百七十四
兩九錢九分九厘俱照追入官先于任所追變如有不敷一面勒限
比追一面移咨原籍追變巴七贓銀一十八兩四錢淡岳廷贓銀七
兩蕭大臣私銅價銀一百八十九兩八錢五厘李廷玉收販私銅六

次除後五次係湯師文發本收買外該犯初次自行出本販銅得銅
價銀二十九兩七錢九分七厘零并後五次得受餘利銀三十兩四
分五厘張古奇收買私銅三次除後二次係湯師文發本收買該犯
初次自行出本販銅得銅價銀四十三兩五錢并後二次得受餘利
銀六兩一錢五分湯師文收買私銅除蕭大臣四次李廷玉張古奇
一次俱係自行運往給賣併得受餘利均已于各犯名下着追外該
犯預發銅價給李廷玉收銅五次張古奇收銅二次共私銅價銀
三百一十二兩六錢九分以上贓銀俱應于各犯名下照追入官等
語均應如該撫所題完結可也奉

旨依議乾隆十九年三月初四日即抄

雲和等縣開採鉄礦

戶部爲請弛採鉄之禁等事議覆閩督喀等奏請浙江省雲和

等縣開採鉄礦一案臣等伏查五金之產爲天地自然之利如果經理得宜設法開採原足以便民生而利器用第恐防閑不密料理未周每致紛擾滋事是以向有查禁之例也查浙省處州府屬之雲和等縣前經常題請豁除稅額具疏內稱開採鉄礦恐致藏奸爲匪貽害地方飭令概行封禁等因原不過防患未然之意今准該督等奏稱雲和等縣土瘠民貧以採鉄爲恒業封謹以後有禁之名無禁之寔見在陽奉陰違徒啟吏胥需索之弊况雲和等七縣俱係內地與近海產鉄應行封禁之寧台等各屬不同歷來並無潛藏奸匪透漏外洋等弊是開採寔有益而無損從前封禁之例應照該督等所請令地方官勘明分則科侯試行一二年後再爲酌中定額先令儘收儘報按年造人奏銷內報部查核其礦戶應繳濬河銀兩並加收耗銀撥充公賞之處均如所請辦理惟是設爐旣廣聚衆必多若不

嚴查難免紛爭滋擾應交與該督等飭令地方官妥協辦理可也謹

奏乾隆十五年二月 日奉

旨依議

浙省倉穀准銷氣頭厰底

戶部爲遵

旨議 奏事據浙撫常 疏稱浙屬常平倉穀氣頭厰底再行酌減如甲年買貯穀石于乙年糶三糶四尚有存七存六于年底盤查照存貯一年者每石開報氣頭穀三合厰底穀一合其存七存六穀石于丙年又經糶三糶四尚有存四存二于年底盤查照存貯二年每石開報氣頭穀六合厰底二合其存四存二穀于丁年全數出糶毋庸開報氣頭厰底糶半之縣將甲年存貯穀石于乙年歲底盤查照將存半之谷每石開報氣頭穀三合厰底穀一合是每谷一石第一年開

穀四合第二年開報八合共開報穀一升二合較京通倉開銷之數
 有減無浮其寧嘉一分司經營永濟倉穀石係備通省貯糶存貯數
 多原與屆縣歲底一例盤查况省城地氣潮濕易至霉黯原定糶半
 存半因原題未經分晰各局及永倉字樣是以復經分晰請銷應准
 其一體開報至委員驗明成色變價應循京通二倉之例如係谷石
 減半折筭九成八成者每石減價七分七成六成者每石減價一錢
 五成者減價一錢四分照減發賣秋成買補等語查浙省各局常平
 倉穀開報氣頭廠底既據該撫分別酌減并將氣頭廠底谷石照京
 通各倉之例減價發糶其永濟倉谷地氣潮濕易致霉變亦請一體
 開銷應如該撫所請將浙局常平及永濟倉谷石准其按存貯年分
 照所定數目開報氣頭廠底仍將所報氣頭廠底谷石按成減價發
 賣于秋成照數買補還倉不敷價銀准于平糶盈餘內動補如無盈

餘于備公項下撥補分晰造入歲底盤查案内具 題查核可也等

因乾隆八年九月十三日 題二十四日奉

旨依議

浙省征漕准收漕費錢文

大學士忠勇公傅 等為遵

旨議

奏事軍機處密交閩浙總督喀 浙江巡撫永 奏請征收漕糧

加收耗米改收錢文一摺乾隆十六年六月十六日奉

硃批原議大臣議

奏欽此欽遵于本月十八日交出到部該臣等會議

得閩浙總督喀 等 奏稱浙省杭嘉湖三府征收漕糧公費浩繁

原定漕費每石收錢自八文以至二十一文不等從前州縣每因辦

公不敷有私收餘米之弊經臣等具摺 奏請將仁和錢塘海甯富

陽餘杭安吉歸安烏程長興德清武康等十一州縣加收耗米二升

嘉興秀水嘉善海鹽平湖石門桐鄉七縣加收耗米三升以爲各州縣修倉鋪墊人工飯食等項之用明定章程以清漕政接准部咨江蘇省征收漕米每石加收漕費錢五十二文至四十八文不等今浙省前定錢文既未足用若不量與加增州縣不堪賠累殊非經久之計但請加收二升三升爲數過多且恐不肖官吏以耗米非正額可比或以大升量收終屬未便不若做照江省之例于原定額費之上酌量加添以爲漕費其應作何斟酌辦理之處應令該督等詳查水次遠近漕糧多寡費用寔在數目分別定議逐項聲明具奏到日再議至州縣住宿倉場三月之久人至百餘之多并令嗣後上緊趕辦毋得久延時日人役亦量行酌減以省繁費等因奉

旨依議欽此欽遵到臣遵卽轉行司道再行清查核議去後茲據糧道常德等會詳稱杭嘉湖三府各屬從前私收餘米因無定額浮費頗多謹飭者祇求足用不肖者任意浮收所有原據各州縣冊報公費凡屬程儀犒勞一切陋規業奉禁革卽開倉神福親友長隨脩金薪水收兌花紅飯食等項亦經刪除至白糧袋價并肩馱色紵巡邏人夫均有原定錢文足供支給其水次遠近亦有額定之錢給軍剝運毋庸再議外所有修倉鋪墊之工料由單印簿串票之紙劄置備風車篩匾斛斗單袋之工價書役貼寫水火人夫之辛工飯食心紅筆墨油火等項一切雜費均係必不可少之工用原定每石額給鋪墊錢一二文寔屬不敷此杭嘉湖三府十八州縣大槩相同之情形也嘉興府屬民交米色未純積習相沿勢難驟改致拂民便每石篩颺折耗寔需米一升以外此又嘉屬七縣異于杭湖二屬十一州縣之情形也是以原議請將仁和等縣加收米二升嘉興等縣加收米三升已經屢次加意裁減原無過多今奉部議又復再三確核刻定日期

刪去人數于原定等差額費之上酌爲加添錢文以爲漕費查收漕
難易不同地土情形各異若照江省一例加增未免轉多應請將原
議杭屬之仁和等十一州縣每石收米二升者改收錢二十文嘉興
等七縣原議收米三升者改收錢三十文俱于原定腳費錢文之外
分別加添倘此後仍有不肖官吏藉名漕費不敷浮收餘米私索帮
貼于正糧之外多征顆粒者官則嚴叅役則重究庶幾官民兩便弊
竇肅清內維最多之桐鄉等縣原定額錢二十一文今加錢三十文
計共五十一文較諸江省收錢之數始與相妨其餘祇收八文十文
之仁錢等縣今加二十文尚在三十文內外居多核諸江省是屬有
減無增并遵部行將寔在費用數目另開清單逐項聲明請 奏等
因臣等覆加查核無異理合具摺覆 奏等因前來查乾隆十五年
九月內據該督以浙省杭嘉湖三府屬額收漕費雍正六年原定每

石收錢自八文十文以至二十一文不等內除結軍撥運肩馱色斛
巡邏等項夫價外寔在州縣收爲鋪墊之費不過一二文從前各州
縣每以費繁賠累爲苦私收餘米斛頭帮貼乾隆十年間原任撫臣
常 因刑部侍郎彭啟豐條 奏曾經飭禁行查終屬有名無寔若
不明定章程准收餘米勢必因仍舊習貽害閭閻請將米色純潔征
收亦易之仁和等十一縣每石另收耗米二升米色不純需費獨多
之嘉興等七縣每石另收耗米三升以爲修倉鋪墊人工飯食之費
等因經臣等議以雍正七年江蘇省 題定征收漕米每石加收漕
費錢五十二文與四十八文不等凡一切明加暗扣巧取浮取諸弊
剔除殆盡官民稱便益加增米數州縣官稍或防範不嚴易滋胥吏
多取之弊若酌定錢文百世易曉是以行之久而相安今浙省 奏
請加耗米不惟爲數過多且恐不肖官吏以耗米非正額可比或以

大升量收終屬未便不若做照江蘓之例酌爲加添錢文以爲漕費其應作何斟酌辦理之處行令該督等詳查水次遠近漕糧多寡寔在費用數目分別定議具奏到日再行核議等因奉

硃批依議欽此行文遵照在案今該督等奏稱杭嘉湖三府屬從前私收餘米因無定額浮費頗多除刪除一切陋規外其修倉鋪墊紙張筆墨人工飯食等項一切雜費必不可少原定每石額給鋪墊錢一二文寔屬不敷嘉興府屬民交米色未純積習相沿勢難驟改致拂民便是以原議加收米數今奉部議又復再三確核于原定等差額費之上酌爲加添錢文請將原議杭屬之仁和等十一州縣每石收米二升改收錢二十文嘉興等七縣原議收米三升者改收錢二十文俱于原定脚費錢文之外分別加添其桐鄉等縣原定額錢二十一文今加錢三十文計共五十一文較諸江省收銀之數始與相仿

其餘只收八文十文之仁錢等縣今加錢二十文尚在三十文內外核諸江省尚屬有減無增等語臣等伏查征收漕糧一切鋪墊工食諸費勢所必需如或加派浮收誠恐貽累小民然使費用無貲亦屬辦公掣肘該省征收漕費于雍正六年曾經督臣李 奏准每石加收制錢自八文十文至二十一文不等以爲鋪倉剝運等費除撥運等項需用外餘在鋪墊之費寔屬無幾但加增米數易啟多收之弊不若酌定錢文百姓便于遵循是以前據該督等奏請加收耗米議令做照江蘓之例于原定等差漕費錢文之上酌量加添以爲漕費今該督等所奏將仁和等十一州縣每石收米二升者改收錢二十文嘉興等七縣收米三升者改收錢三十文俱于原定脚費錢文之外分別加添之處較之江省征收漕費之數尚屬有減無浮應如所奏辦理仍令該督等轉飭各屬通行出示曉諭令小民完漕

之候照數輸納錢文以充漕費不得額外浮收致滋民累如有不肖
州縣陽奉陰違浮加暗收等弊該督等立即題奏究治可也乾隆十
六年 月 日奉

旨依議

代捐監生依包攬錢糧例治罪

刑部爲報明病故事該臣等會看得已故趙昌祚併同案王肇衡等
捐納假監一案據山西巡撫阿 疏稱緣已故王道達與已故之尹
佐周包捐監生有湖北另案叅革歸州州判張維漢係尹佐周侄婿
先經在京候選王道達即指稱張維漢名色向趙昌祚等聲言墊銀
包捐監生候交照後給銀于雍正元年問趙昌祚等各父兄先後托
其捐監迨乾隆四年趙昌祚病故繳照送部查係假偽飭審究出王
道達包捐又查出同案捐監另案加捐之廣東儋州吏目支宏咨部

解任回晉質審供出張維漢包捐咨提來晉據張維漢供係王道達
尹佐周攬捐交與部書周炳周峩軒王姓等包納其假印假照及假
捏部文宅不知情屢經咨緝周炳等未獲懸案莫結前據該縣以張
維漢羈禁待質已逾三年將張維漢擬以杖徒援 赦經調任無臣
準 據詳咨部核議嗣准部覆以事關假印假照偽造部文行令具
題等因查此案假印假照偽造部文歷訊張維漢堅供係周炳等所爲
該犯並不知情未便照周炳等所犯決其從罪但明知王道達尹佐
周包捐于預其事咎無可辭除爲首攬捐之王道達尹佐周已經病
故不議外將張維漢依包攬錢糧發邊衛充軍例爲從減一等擬徒
事犯在

恩赦以前免罪歸于湖北婪贓案內杖責發落等因具 題前來應如該
撫所 題張維漢合依內府錢糧及內外倉場糧草各處軍需等項

不扣起運存留但有包攬誑騙銀一百兩糧二百石以上不行完納
事發過期不完者發邊衛克軍例爲從減一等杖一百徒三年事犯
在屢經 恩赦所得杖徒應予援免仍分咨嚴緝周炳周表軒王姓
等務獲審明另擬追贓再張維漢尚于湖北叅案內擬流完贓減爲
杖一百徒三年事犯在乾隆十一年正月初三日

恩旨以前應免克徒照應得杖救折責四十板歸于彼案從重發落另案
繳照之馬世昌等亦候緝獲周炳等另結等語查張維漢應犯杖罪
在乾隆十四年四月初九日

恩詔以前應免罪餘均應如該撫所 題完結奉

旨依議乾隆十四年七月即抄

擅動庫銀借給旂丁照侵盜錢糧定擬

刑部爲特揭擅動庫項等事會看得叅草糧道王雲銘動支庫項借

給運丁叅革金華府通判華麟趾出具保領一案據陞任浙江巡撫
方 疏稱緣浙省衛所運丁多屬貧窘遞年有停減諸務每遇新運
不免拮据乾隆十一年冬兌之時先有寧波衛前後兩幫領運備弁
高元龍等申詳前巡撫常 懇請預借庫項以濟新運當批糧道查
議叅道王雲銘以運丁疲乏不止寧波衛前後兩幫查有紹興衛白
州衛金衢所等幫更爲艱苦議請借支道庫銀一萬六千八百兩俟
次年于各該幫應領漕截銀內提補歸款飭取押運保領存案一面
放給一面具詳嗣經前撫臣常 批飭籌酌辦理後有杭湖嚴溫處
等衛所各幫俱紛紛請借計共銀一萬九千六百五十五兩王雲銘
皆准借給先後共借支道庫乾隆十一年起運十年分折色月糧銀
三萬六千四百五十五兩內除嘉興白糧幫未經借領外紹興衛前
幫借銀五千兩紹興衛後幫借銀六千兩寧波衛前幫借銀一千八

百兩寧波衛後幫借銀一千兩嚴州所幫借銀八百兩處州衛前幫借銀八百兩嘉海衛所共借銀八百兩杭州右衛前幫借銀四百兩俱係嘉屬押運官金華府通判華麟趾遵照道議出具保領又紹興前幫續借銀二百兩紹興衛後幫續借銀三百兩因華麟趾已押運往淮未經取具保領止有該衛印領存卷又金華所借銀二千兩衛州所借銀二千五百兩温州衛前幫借銀一千兩温州衛後幫借銀七百兩台州衛前幫借銀四千兩台州衛後幫借銀一千四百兩湖州所借銀五百兩處州衛後幫借銀八百五十五兩俱係押運官湖州府同知何際述保領又海寧所借銀一千二百兩杭州前衛後幫借銀一千九百兩杭州右衛後幫借銀二千一百兩俱係押運官台州府通判黃應中保領又杭州前衛前幫借銀一千二百兩因通判黃應中已押運赴淮未經取具保領亦有該衛印領存卷王雲銘將

借給紹興台州金衢等衛所各幫銀兩用驗文申報其借給杭處等衛所各幫銀兩未據申詳經前撫臣常以擅動庫項私借侵扣將王雲銘及出具保領之金華府通判華麟趾一併題參奉旨革職嚴審究擬欽遵在案如原叅糧道王雲銘先詳請酌借庫銀一萬六千八百兩批飭未經允行迨至封印後止具驗文申報酌量給發並未復詳請于道庫內借給各幫銀三萬餘兩俱係押運通判華麟趾懇懇出具保領保結等因訊據王雲銘供稱借給各幫銀兩寔因窮丁艱苦難以辦運不得不籌酌借因漕船冬兌冬開不容遲緩是以一面放結一面具詳嗣奉批示籌酌辦理非意不准借給故又往杭湖等衛所一例借領後因前撫臣常進京陛見叅道往淮督運是以未將各幫銀兩具文詳報並非華麟趾懇懇借給據華麟趾供稱奉委押運往嘉屬監兌各幫借銀並未懇懇其保



領後遵糧道議詳具送所保亦止入帮別帮非係保領是王雲銘詳請借給運丁銀兩始前撫臣常 尚未批准既而金未具詳寔屬私自借給至華麟趾係遵議出具保領並無憑借放情弊又原叅華麟趾每百扣銀五兩叅道家人衙役門子每百扣銀一兩二錢道書徐觀童每百扣銀五兩華麟趾又勾通王涓瞻等扣銀四千兩分用等因訊據王雲銘供放給銀兩係叅道當堂給與并丁親領分發衆丁造冊送道有案華麟趾並無銀兩過手無從每百扣銀五兩亦無勾通運丁王涓瞻等于所借銀內扣銀四千兩分用訊之王涓瞻已于乾隆九年退運十一年該帮係張兆龍輸運借領陳安民經手分給據各運丁張兆龍陳安民并鐘國信等簽供銀係各丁寔借寔給並無通同華麟趾扣存分用其寧波衛前帮于借銀內存銀一千兩紹興衛前帮存銀一千八百兩紹興衛後帮存銀一千二百兩各置

貨物往北賣銀以作起剝回空等項費用並非侵扣不給衆丁經仁錢二縣移取該衛領運備弁高元龍等親供與鐘國信等所供無異此項存銀是丁存丁用金非華麟趾勾通侵扣不給至道書徐觀童即徐彥章于各帮丁借領銀兩之後以造冊爲名每百兩索得冊費銀二兩係各帮丁將盤費銀兩湊給金非扣存亦無每百五兩之多通計徐觀童索得各帮冊費共銀七百二十九兩一錢係八折市平折寔庫平紋銀五百六十五兩七錢八分一厘六毫據運丁靳凌霄等供明無異其糧道家人衙役門子因事無涉並無分厘染指已據各運丁供明寔無每百扣銀一兩二錢之事以上王雲銘共借支銀三萬六千四百五十五兩各帮丁已完銀共二萬六千九百五兩未完銀九千五百五十五兩紹興衛前帮未完銀三千兩紹興衛後帮未完銀二千五百兩金華所未完銀七百五十兩衢州所未完銀一千

六百兩台州衛前帮未完銀一千七百兩查律載監臨主守將係官錢糧轉借與人雖有文字計贓以監守自盜論監守自盜倉庫錢糧四十兩斬襍犯徒五年又例載侵盜錢糧入已數在一千兩以上者擬斬監候各等語王雲銘借給銀兩雖爲體恤旂丁慎重漕運且因運丁本有應支之項又奉有籌酌辦理之批故擅行支借尚非營私入已但身爲監守職司筭論竟擅動銀至三萬餘兩之多律以侵盜夫復奚辭王雲銘除失察書役得受冊費輕罪不議外將王雲銘擬斬監候徐觀章擬流減徒等因具題前來據此應如該撫所題王雲銘除失察書役得受冊費輕罪不議外應照侵盜錢糧入已數在一千兩以上者斬監候秋後取決再查王雲銘其支借銀三萬六千五百五十兩除各帮丁已完銀二萬六千九百五兩其未完銀九千五百五十兩應令該撫作速扣追完項倘力不能完卽着落動借之

王雲銘及保領之華麟趾何際述各名下分賠仍將完過數日報部等因乾隆十四年十一月初四日題初六日奉

旨王雲銘依擬應斬着監候秋後處決餘依議

那移倉庫銀兩照現在未完之數定擬

刑部爲揭報州牧虧空等事會看得恭葦涇州知州許宗崧虧空倉穀銀兩一案據蘭撫黃疏稱查許宗崧名下止應賠霉爛虫蛀穀一萬二千五百五石零以上除霉爛倉糧發買谷石各輕罪不議外其那用庫貯各項共銀五千四百七十一兩四錢零制錢四千八百八十八千五百三十二文每千折銀一兩合銀四千八百八十八兩五錢零二共銀一萬一千二百五十九兩九錢二分寔屬那移許宗崧依例擬軍等因具題前來查律載那移庫銀五千以上至一萬兩者杖一百流二千里不准折贖若那移一萬以上至二萬兩者發

邊衛充軍等語今許宗崧那用庫銀共一萬一千三百五十九兩零
照例應發邊衛充軍但叅後已領已徵共完銀四百二十四兩零交
錢一千四百四十兩折銀一千五百四十兩應照一年完贓例免罪
外寔止那移銀九千三百九十五兩零許宗崧不應如該撫所題
仍照那移一萬兩以上發邊衛充軍合依那移五千兩以上至一萬
兩杖一百流三千里例應流三千里至配所杖一百折責四十板不
准折贖查乾隆十一年正月初三日奉

上諭所有刑部及各省已經結案監禁人犯酌量案情輕重分別減等發
落其軍流徒杖以下人犯一并分晰減等完結欽此經大學士會同臣
抄部 奏請內外問刑衙門所有軍流徒杖人犯應以乾隆十一年正
月初三日恭奉

恩旨以前見在問刑衙門羈禁爲斷均行分晰減免如有應追銀兩仍照
例着追等因乾隆十一年正月十九日 奏本日奉

硃批依議欽此通行遵照在案此案事結在

恩旨以前許宗崧應減一等杖一百徒三年其那移銀錢霉爛倉糧照例
勒限着追完報抑臣等又有請者再查例載那移庫銀統限一年果
能盡數全完俱免罪其未至二萬兩者仍照例准其開復若不完再
限一年追完減一等發落二年限滿不完再限一年追完減等發落
若三年限滿不能全完者除完過若干之外照現在未完之數治罪
等語今查各省那移辦理虧空之案有將叅後已完銀兩照數開除
定罪者亦有不將已完銀兩開除照原虧空之數定罪者夫三年限
內完過若干尚例得開除止照現在之數治罪若干叅後未經起限
之前陸續先完銀數竟不開除定罪則寬嚴反不平允其辦理亦不
畫一嗣後凡有審擬那移案件于定案之日查明已完確數仍照現

在未完之數罪名定擬庶爲允協俟

命下之日通行直隸各省督撫一體遵照辦理等因乾隆十一年五月十

七日 題十九日奉

旨依議欽此

侵那生息銀兩治罪

刑部爲特奏侵那等事該臣等會議得奏革副將楊宏侵那生息銀兩一案據直隸總督那 疏稱緣楊宏癸未科武甲拔取侍衛陞授山永協副將于乾隆六年十月內領到該協生息銀一千兩發給左營把總劉可州租賃民房開設舖面以資生息乾隆八年四月內復委左營都司陽舒管理楊宏因一切公用雖有歸公地租銀兩但地租無多必候秋成始交公費急需難以懸待 遂思前項生息銀兩原係生放取息于修理演武廳借銀二十兩修理箭道借銀十二兩操

演兵丁賞給銀牌借銀十兩九錢辦理

大差缺乏盤費借銀五十四兩接差公出借銀七十兩又接

大差公出借銀七十兩修理衙署借銀七十兩一錢又接

大差公出借銀七十兩賞給兵丁搭蓋涼棚借銀五兩一錢奉文緝盜

給發盤費銀三十兩又操演兵丁賞給銀牌借銀九兩八錢查邊公

出借盤費銀五十六兩又奉文緝盜給發盤費銀三十兩建造班房

借銀三十一兩五錢均按月照例還息又有左營外委鄭福因委買

硫磺公出借盤費銀十一兩左營千總李天祿因奉調考試弓馬借

盤費銀四十五兩九錢又另案革職之右營守備福隆阿因母病故

借銀五十兩四錢又左營把總劉可州因奉委查汛借盤費銀二十

一二兩又右營把總王翰因查派公出借盤費銀十四兩七錢均係楊

宏令其借用生息未曾詳明提督而都司陽舒把總劉可州亦均未

稟阻楊宏與干總李天祿等均干未奉部咨之先將借用銀兩清還查生息銀兩原屬生放取息與倉庫錢糧不許動用者有間是生息銀兩例無官員准借之處楊宏任意那用殊有不合將楊宏擬杖等因具題前來應如該督所題楊宏合依不應爲而爲事理重者杖八十應杖八十查律內那移庫銀一年全完免罪其未至一萬兩者開復又定例官員原忝重罪審虛尚有輕罪應降級罰俸者將革職之案開復按其所犯輕罪降級罰俸又律內不應爲而爲事理重者杖八十又名例內文職官員犯公罪杖八十降二級留任等語應將原任山永協副將楊宏原忝革職之案准其開復於補官日降二級留任再查楊宏于山永協右營守備福隆阿東兵無術案內該督附疏題忝兵部議以降三級調用在案今該員革職之案既經開復應照原議降三級調用給咨赴部另補經營息銀之左營都司陽舒

把總劉可州于楊宏屢行借取之時並不稟阻應均照不應輕律笞四十照例各罰俸六個月查陽舒已經揀發浙江補用應予補官日罰俸六個月奉

旨依議乾隆十二年六月邸抄

經徵官租私自那用

刑部咨爲特忝貪劣等事忝革温州府經歷蔡秉義貪劣不職一案先經浙撫常以蔡秉義居心狡詐行止卑污列款咨忝奉部斤革審擬等因查原忝蔡秉義收存雙忠祠穀共計銀九十九兩二錢并收文信公祠租銀六兩侵吞一欸據供因上年五六月間委充學院巡捕盤費無出那借雙忠祠存租銀二十二兩文信公祠存租銀三兩以致缺數未解查祠租銀兩該員經營徵解私自借用殊難辭咎又原忝該員不時設席宴客與矜監往來借邵愛桃銀二十兩不

還併向周望斌王純士李占客零星借貸一欸據供上年正月間署
內演戲酬神設席邀請同城官客金無與矜監往來至三月內委令
瑞安縣點驗孤貧缺少盤費將皮袄一件向邵愛桃押銀十兩已還
三兩尚少七兩皮襖抵押未取至向周望斌零星借貸之處因跟學
院在教場考試偶值天雨至周望斌炭行避雨熟識浼伊賒肉計價
五錢未還王純士向來賣米交易賒米三石未曾清還李占客店內
賒錫三觔已經給價等語質之邵愛桃等吐供脗合是蔡秉義雖無
交結情弊而私行抵押及買物不卽給價寔屬違例又原叅該員每
逢生辰年節收受鹽當商禮物或每次折銀一兩一欸據塩當商陳
有佐等供稱經歷帶管批驗所事務生辰年節原送水禮八色或十
二色該員收受四五色不等計有七次約共銀十二兩金無折銀之
事與該員供認相同則該員收受餽送禮物自認不諱又原叅該員

在學院巡捕時新生稟謁每名勒索銀三四分不等一欸據供係在
內巡捕新生稟謁何由勒索質之號房供亦無異似屬可信又原叅
該員屢傳尚林班小旦李天標夤夜彈唱出入無忌一欸據供署內
酬神曾喚尚林班唱戲至二更始散致有傳聞夤夜彈唱之語並非
出入無忌亦非狡飾以上五欸除押借銀兩零星賒取米物等不卽
給價併收受水禮各輕罪不議外其借用雙忠文信公二祠共銀二
十五兩雖非倉庫錢糧可比但既經飭委徵收有主守之責何得私
行借用蔡秉義應照監臨主守將官錢糧等物私自借用計贓以監
守自盜論律一十五兩杖一百流二千五百里係褫犯總徒四年已
于限內全完照例免罪邵愛桃等訊無結交營私應毋庸議所押皮
袄尚少銀七兩賒數追還邵愛桃收領贖回皮袄并追賒欠肉銀米
石價值分別給領塩當商陳有佐等餽送禮物係與者各照律笞二

十所受禮物共估銀十二兩照追入官等因咨達前來據此蔡秉義等俱應如該撫所擬完結並知照吏部可也乾隆十三年正月十六日准咨

失察侵收錢糧已經革職留任不准以限內全完請開復

刑部爲詳請叅審事會看得委縣奸書姚永年假印僞串侵收錢糧該縣調任南匯縣知縣胡具體失于覺察一案據兩江總督尹 疏稱緣委縣每年徵收錢糧向于各書役中僉點一名崑司文移核等冊籍乾隆八九兩年前任委縣知縣胡具體點姚永年爲總書因紙張筆墨人工等項費用無措商之清書趙柏年托其借銀趙柏年令姚永年暫邪甲戶錢糧應用姚永年恐甲戶索串易于破露素知趙柏年善刻圖書起意令趙柏年雕刻假印計圖僞造假串騙收銀兩趙柏年允從遂用石刻成委縣假印一顆給與姚永年姚永年又恐

僞票侵收之後倘被內衙查摘破露復與趙柏年計議趙柏年許俟征冊發出乘机捏銷掩飾姚永年卽與趙柏年議定每銀一兩扣給趙柏年一錢趙柏年久充清書甲戶俱多相認凡遇素識之甲戶傾封到縣完銀趙柏年卽攬代納私向姚永年取給僞串嗣遇內衙發出征冊竟將完數捏銷加用僞戳姚永年併慮民欠不符又與同伴清書鮑漢文楊瑞其說知將冊通同洗補自乾隆八年二月開徵起至九年八月止共收侵銀一千四百五十兩零內分給趙柏年一百四十五兩鮑漢文一百六十兩楊瑞其二十兩餘俱姚永年侵用迨後趙柏年病篤恐不能管冊彌縫堅令姚永年將假印銷毀胡具體未及覺察調任南匯縣經接任婁縣王繼祖交代核察查出通詳題叅飭審已據姚永年將起意商令趙柏年雕刻假印捏銷完數及與清書鮑漢文楊瑞其通同洗補征冊私收甲戶八九兩年錢糧分

侵入已各情供認不諱前縣胡具體寔無知情徇縱查雕刻假印之趙柏年與通同洗補征冊之鮑漢文楊瑞其俱經病故將姚永年除偽造印信為從輕罪不議外依侵盜錢糧一千兩以上例擬斬監候刺字等因具題前來據此應如該督所題除趙柏年鮑漢文楊瑞其均經病故無庸議外姚永年合依侵盜錢糧人已救在一千兩以上擬斬監候例應擬斬監候秋後處決仍刺字該督既稱銀匠鍾會成費管賢等訊不知情先行省釋姚永年等各名下應追銀兩已據查明各犯家產共估變銀一百二十四兩三錢七分除楊瑞其名下銀二十兩着伊子楊巨源完補外其餘各犯名下共應追銀一千二百九十五兩六錢二分六厘寔係家產全無力不能完已據夫察之該管官胡具體代為完清等語應無庸議再該督疏稱查定例州縣侵挪虧空審明確係知府徇隱如本犯無力完帑將未完之項盡數

着落徇隱之知府勒限完補能于一年限內全完准其開復等語今姚永年偽串侵銀胡具體並非徇隱且未完銀一千二百九十五兩六錢二分六厘俱經胡具體照數賠補應比照此例准其開復但查胡具體奉部准議革職于乾隆十一年二月十八日奉

旨依議其因失察侵收錢糧議以革職之胡具體俟伊任內事件交代清楚後該督撫將伊居官如何之處出具考語送部引

見等因欽遵在案其失察姚永年侵收錢糧係前任步縣之案至交代係調任南匯縣任內之案今南匯縣已經交代清楚並無未完事件現歸南匯縣案內給咨送部引

見應候

欽定此案聲請開復之處應毋庸議等語查南匯縣知縣胡具體據原署蘇撫安出具考語給咨到部吏部于乾隆十三年八月十四日將

該員帶領引

見奉

旨胡具體着照部議革職從寬留任欽此欽遵在案是該員部議革職之處業經奉

旨從寬留任其聲請開復之處應毋庸議等因乾隆十三年十二月十八日題十九日奉

旨姚永年依擬應斬着監候秋後處決餘依議

未完核減軍需銀兩比照那移庫銀減等定擬

刑部爲奏事該臣等會議得恭奉合州知州王聲鑾未完核減軍需銀兩一案據川督策 疏稱原奉王聲鑾欠軍需核減銀一萬一千餘兩遲延不完之處訊據王聲鑾供稱前在汶川任內奉委承辦桃關糧務共奉核減銀米口袋銀二萬一千四百兩五錢九分零其

核減銀米因彼時恐悞軍務混行應付致奉核減至日袋一項因各軍臺米俱由桃關轉發口袋原不可少是以置辦轉運嗣因各臺未將原袋移還運夫又未免在途遺失所做口袋俱無着落今奉刪減總由辦理不善所致金不敢稍有冒銷情弊竭力設奏已陸續還過銀一萬四百兩尚欠一萬一千兩五錢九分零委因告貸無門是以不能完繳况任所資財已蒙查封僅值銀八十餘兩原籍舊產房屋什物亦蒙咨查止值銀一千一十餘兩此外毫無所有非敢有意抗延等語是該參員雖無冒銷侵隱情弊但辦理不善糜費帑項咎實難辭查核減銀兩祇應于本員名下勒追完繳原無治罪正條但事關軍需懸帑甚多未便寬縱查例載律無正條比照某律某例加一等減一等科斷等語今王聲鑾未完核減銀一萬二千兩五錢九分零應比照那移庫銀例減等擬徒等因具 題前來應如該督所

題王聲鑾合應比照那移庫銀一萬兩以上至二萬兩者發邊衛充軍例量減一等應杖一百徒三年不准折贖再稱王聲鑾名下續查出應分賠馬價銀七百一兩三錢六分除完過銀兩寔未完馬價銀六百九十兩三錢六分零又各州縣帶運案內核減腳價銀三百二十七兩二錢三分零又更正冊內應追續減銀二十二兩二錢四分零又減除米荳銀六百零六兩二錢零以上應追銀兩除原奏未完銀一萬一千兩五錢九分零通共應追銀一萬二千六百四十六兩六錢五分零除查封任所衣物估值銀八十一兩三錢一分零及原籍封估田房衣物等銀一千一十七兩七錢九分并奏後兩次繳銀四十四兩抵筭外寔未完銀一萬一千五百零二兩五錢五分零應于該參員名下照數勒追但該參員任內原籍貲財俱已查封估抵寔無隱匿寄頓情弊寔係無力完繳應照前議歸于川省各官養廉

項下攤賠辦理以免懸帑等語應如該督所題將前項未完銀兩准其照例歸入川省各官養廉項下攤賠辦理報部查核將來或有查出隱匿寄頓之處卽行題參除將本人從重治罪外仍將出給各官照例分賠議處可也等因奉

旨依議乾隆十八年四月二十五日即抄

官員虧空并一切贓賠等項無可着追俱歸任所請豁刑部爲詳請咨明事議得據蘓州巡撫莊疏稱江省應追官員一切錢糧無產請豁或歸任所具題或歸原籍題免事不盡一先經酌議咨部嗣後凡奉追官員虧空併一切核減及贓賠等項銀兩若原籍任所俱無產業資財實在無可着追原籍地方取結加結咨部各歸任所取結加結題豁以免彼此推延併令各省一體照辦已准戶工二部咨覆照議允行而刑部以應追各項銀兩向遇家產盡

絕或由任所題豁或從旗籍保題俱係隨時酌辦今概令任所題豁事關定例令再詳核定議具 題等因查官員虧空併一切核減贖賠等項銀兩名目雖殊而產盡請豁事義則一外省官員無着之項既歸任所請豁所有回旗人員似應一例亦聽原旗查取切結咨行任所照例辦理以昭畫一惟是奉追帑項如果寔在赤貧毫無家產力難完繳者例得邀

恩請豁但恐家屬將資財隱匿寄頓賄囑地隣通同朦混或地方官不實力確勘遽為捏詞冒免均非慎重錢糧之道應請嗣後倘有隱寄冒免請豁案件恪遵戶部原行仍分別原籍任所出結之員照例議處分賠并將隱寄家屬從重治罪等因具 題前來查臣部行追虧空并一切贓賠等項銀兩遇有家產全無者或由任所題豁或由旗籍保題向無一定之例未免辦理參差今該撫請歸任所保題既昭畫

一亦免推延應如該撫所請嗣後應追官員虧空併一切贓賠等項銀兩若原籍任所俱無產業資財寔在無可着追者令原籍地方各官取結加結咨部各歸任所取結加結題豁至外省官員無着之項既歸任所請豁所有回旗人員應追虧空贓賠等項若係無可着追亦一例聽原旗查取切結咨行任所照例辦理以昭畫一倘任所或原籍另有貲財隱寄各承追官不寔力確查遽為捏詞請豁除將隱寄財產入官外如原籍有隱匿寄頓將原籍出結冒免之員照例議處分賠或任所有隱匿寄頓將任所出結冒免之員照例議處分賠並將隱寄家屬從重治罪俟

命下之日通行直隸各省併行文各旗一體遵行等因乾隆十九年六月初四日題初九日奉

旨依議欽此乾隆十九年七月二十四日浙省准咨

承追核減分賠代賠各項銀兩將完欠數目年底彙造報部

戶部為奏明請

旨事議得安徽巡撫衛 奏稱竊查各省承追侵那贖罰等項錢糧及自

理贖銀兩定例每于歲底將完欠各數彙造清冊分案 題報聽

部察核至本省應追核減分賠代賠各項並外省咨回原籍任所着

追侵那贖分賠代賠等銀向來俱係各照各案查辦歸結從無年

底彙報之例伏查此等應追銀兩有于限內追完者有限內無完核

叅者有無力完帑輾轉咨查別省者有據結保題請豁者雖各照案

辦理但事件紛繁綜核匪易若無匯總之案則一歲之內通共已完

若干未完若干不免散漫難稽臣愚以為一切本省應追核減分賠

代賠并外省支追各項銀兩均應照承追侵那自理贖兩案之例

統于年底彙冊題報庶為清楚應請自乾隆十九年為始除以前已

經追完報撥咨部銷結及勘寔力不能完保題奉

旨豁免各案皆係已結之件無庸重複開造以省繁冗其外省咨回原籍

查追原籍確查無追取結咨覆彼省照例查辦者則本省已無承追

之責亦無庸冗開如應將本年現在承追各案一面按限催追以清

帑項如限滿無完照例查叅統于年底查明已未完數目彙轉咨外

省以及請豁各緣由彙總造冊具 題聽部察核則總案有所查考

不致散漫難稽而承督各官之勤惰亦可一目瞭然矣是否有當理

合繕摺恭 奏乾隆十九年七月初四日奉

硃批該部議 奏欽此欽遵於本月十三日准

行在戶部將原摺咨送到部臣等伏查各省承追侵那贖罰等項錢

糧及外省自理贖銀兩均經定例每于歲底將各案完欠數目彙

冊題報刑部在案至承追核減分賠代賠各項銀兩臣部俱係各照

各案查辦歸結今安撫衛 奏稱本省承追核減分賠代賠各項并
外省咨追各項銀兩均請照承追侵挪自理贓贖銀兩之例統于年
底彙冊題報則總案有所查考不致散漫難稽而承督各員之勤惰
亦可一目瞭然等語應如該撫所 奏凡本省承追核減分賠代賠
并外省咨追各項銀兩自乾隆十九年爲始如係戶部行追之案卽
將完欠數目年底彙報戶部如係工部行追者亦卽彙報工部仍照
例數在三百兩以下者定限六個月三百兩以上者定限一年按限
嚴追毋得延緩限滿不完依限照例查叅年終彙報時并將承追不
力各員曾經初叅或二叅三叅分晰聲明至由任所咨回原籍原籍
確查無追取結咨覆任所者應于任所彙報原籍無庸重造以省繁
冗再查八旗外任官員遇有應追銀兩咨回旗籍者除限滿不完照
例查叅外年底亦令該旗將該年已未完各案分晰彙報臣部以便

一體辦理俟

命下之日臣部行文各省督撫并八旗滿洲蒙古漢軍都統暨知照工部

一體遵照可也爲此謹 奏請

上旨乾隆十九年八月初一日 奏本月初七日奉

上旨依議欽此乾隆十九年九月十三日准咨

徵收錢糧不卽報解攜帶出境問重杖

刑部爲特揭虧空等事該臣等會看得叅革安福縣知縣王廷琮虧
空錢糧一案據湖撫胡 疏稱緣叅王廷琮徵收地丁錢糧虧空銀
一千二百兩一欸審緣王廷琮意欲俟徵齊傾解因安福未設外庫
將銀存收內署旋卽因公赴省尚未將徵數摺報迨委署巴陵縣卽
務卽在省赴岳未及回安嗣因安邑不能兼顧復委慈利縣兼署安
福迨王廷琮家口携銀至岳以時值封印將銀存放巴陵署內王廷

伊家續地 卷一
琮聽聞該州盤查之信卽遣丁將未解地丁錢糧移送經該署縣陳
惠疇將銀兩收明有案屢審不諱將王廷琮擬以開復具 題前來
查該撫疏稱王廷琮所徵銀兩既未捐報又不隨拆隨解已屬違例
復以署事爲名私將錢糧攜帶出境並不據實稟明亦屬不合應照
不應重律杖八十照例准其開復等語應將安福縣知縣王廷琮原
叅革職之案照例准其開復其所徵銀兩並不隨拆隨解因委署巴
陵印務將錢糧攜帶出境雖訊無先侵後吐情弊但並不據實稟明
殊屬不應應照不應重律杖八十罪公律于補官日降二級留任應
令該撫給咨該員送部引

見恭候

欽定等因奉

旨依議乾隆十九年十二月初九日邸抄

霉爛倉穀非因公那移可比雖賠完不准開復

刑部爲揭報虧空等事該臣等會議得叅革通渭縣知縣汪國琮虧
空銀米一案據蘭撫元 疏稱汪國琮除霉變倉米私行減糶各輕
罪不議外其那用貯庫各項銀九百八十兩零合依那移例擬流總
徒等因具 題前來應如該撫所 題汪國琮合依那移庫銀數止
千百兩者擬雜犯流罪總徒四年例應徒四年已于叅後照數賠補
全完應照例免罪其買補糧石及已完銀兩應令該撫報明戶部查
核該撫既稱不行稟阻之經承鞏佑祿曹正卿均應照不應重律杖
八十但汪國琮虧空銀糧叅後全完鞏佑祿等應照因人致罪均予
免議仍革役家人陳世學攜銀買糧係奉伊王差遣應毋庸議汪國
琮所那下剩麥價等銀叅後已添銀買麥交倉其減糶糧價等銀亦
如數賠補交明收貯已無不清之項原籍封貯家產應請給還其那

用各項銀兩俱照數賠補全完各歸原款等語均應如該撫所題完結再該撫疏稱汪國琮那用各項銀兩俱已照數賠補全完各歸原款並無未清之項相應附請開復聽候部議再汪國琮現在制中應俟服闋之日給咨赴部等語查汪國琮那用各項銀兩雖據照數賠補全完但查該員審擬案內虧空糧石係因倉廩滲漏並不詳請粘補蓋造致有霉變又不詳請糶賣擅動庫銀採買還項殊屬不合查定例州縣倉廩倘因循怠玩于滲漏處既不粘補應改造處又不詳請以致米谷霉爛者革職等語是原任通渭縣知縣汪國琮係例應革職之員並非因公那移者可抵應將該撫所請開復之處毋庸議奉

旨依議乾隆四年九月二十四日邸抄

運送餉鞘額夫不敷雇覓民夫報銷

兵部 奏為遵

旨議奏事據湖督塞 奏運送餉鞘墊用夫價等因一摺奉

硃批該部議奏欽此抄出到部查辦運軍需事關緊要應隨到隨解不得稍有遲延今松滋等州縣驛乾隆十二年運送各省協川京餉原多于常年協解之數既經該督查明額夫不敷援照湖南辰陽等驛解運兵餉銅本該差額夫不敷雇募民夫之例 奏請雇覓應如所奏准其一體雇覓民夫應付再查運送餉鞘定例每鞘兩夫每夫每百里給銀一錢所有松滋等州縣運送協川軍需餉鞘照例每鞘兩夫每夫每百里給銀一錢于裁減夫馬工料項下動給分晰撤總數目造入該年驛站奏鞘冊內送部查核俟軍務凱旋即行停止如有浮冒尅扣情弊該督即行題奏至常年協解川餉既經聲明不得援以為例應毋庸置議可也奉

旨依議乾隆十三年五月即抄

解糧批差不慎各官議處

吏部 奏爲嚴檄飭究事准刑部咨江撫開 以人犯蕭映和通同銀匠羅發良等侵挪糧銀一案檄行審擬前據各犯供認不諱外查從前侵挪銀兩旋即補解無欠之各縣廳經糧道查明原批係蓮花廳現任同知黃增歷德安縣已故知縣吳虎炳署興國縣事萬安縣叅革知縣馮淇瑞署理新安事上高縣縣丞丁憂回籍黃鏞泰和縣丁憂知縣劉崇鄱陽縣今陞南康府同知楊志道彭澤縣知縣李松泰星子縣叅革知縣汪展英安義縣現任知縣蔣惟忻新裕縣患病解任回籍調理知縣董作孚署寧都縣事雩都縣乞休知縣傅誠清江縣現任知縣汪元麟瑞昌縣現任知縣林映吉水縣病故知縣高必遴都昌縣患病解任回籍調理知縣余士依臨川縣現任知縣奚

又瀨廣昌縣現任知縣何玠宜春縣降調知縣孔傳太新昌縣知縣陳瓌寧都令李源德化令調豐城令顧錫鬯等其南昌縣庫失悞係進賢縣現任知縣向德一其不行詳慎發領致抵別項係南昌縣知縣錢志遙其解銀失悞係豐城縣知縣顧錫鬯署武定縣事清江縣縣丞沈瀨文南豐縣知縣今調南城縣知縣葉從熙瑞昌令林映等至失察各糧道職名係前任糧道周人龍張文長署糧道事驛鹽道今調廣饒九南道施廷翰現任糧道蔣嘉年查此案係蔣嘉年自行查出稟報審明追賠全完合併聲明附叅統聽部議等因查案內失察各官雖將此項不足銀兩代爲賠補究與尋常失察者不同原抄送吏部逐一查議等因前來查律內凡倉庫如侵欺盜用借貸係官錢糧匿而不舉及故縱者與犯人同罪失于覺察者減三等杖一百又定例凡官員犯公罪杖一百者降四級調用又定例官員有好棍

持假票冒稱假官或謊帶羽翎或假稱差官不行查拏者府縣官降一級調用又定例管起解兵餉協餉漕糧白糧等項如濫差匪人解送或中途失悞者原委之官降一級調用又定例已經革職議處應降應罰題明註冊又定例老病休致官員如有前任內有承督未完等案到部議處例應降調者仍按級降去頂帶等語除德化縣知縣吳虎炳吉水縣知縣高必遴前任糧道周人龍俱經病故均無庸議外查現任糧道蔣嘉年雖據該撫聲明係自行訪出追賠等語但查蕭映和藏匿庫項經豐城縣批差李良稟明庫官始行究出金非自行訪出應將失察庫吏侵欺錢糧之現任江西糧道蔣嘉年前任糧道張文長前署糧道事驛塩道今調廣饒九南道施廷翰均照例降四級調用查張文長已經丁憂應予補官日降四級調用再查錢糧關係甚重批差各官均應詳慎今同知黃增歷等批差不慎以致被

那雖屬補解併代為賠補其批差究屬失悞均應照例議處應將連花廳同知黃增歷等照起解錢糧兵餉濫舉匪人中途失悞降一級調用例降一級調用不行詳慎發領致抵別項之南昌令錢志遙照失察奸棍執持假票冒稱差官不行查拏降一級調用例降一級調用查馬淇瑞王展英俱經革職應照例降一級調用註冊劉崇已經丁憂董作孚余士依俱患病回籍調理孔傳太已經降調均應予補官日降一級調用傅誠已經休致應照降去頂帶二級查顧錫鬯又豐城縣任內解銀失悞林映又十一年解銀失悞應照律均再降一級調用蔣嘉年有加十級應銷去加四級抵降四級免其降調施廷翰有紀錄十次應銷去紀錄八次抵降二級仍降二級調用黃鏞奚又灝均有卓異一次應各銷去卓異一次抵降一級免其降調李松泰有紀錄八次應銷去紀錄四次余士依有加一級沈灝文有加二

級錢志遙有加一級俱各銷去加一級抵降一級均免其降調再查
張文長等十五員係用夾籤謹將該員等出身履歷照例繕寫夾簽
入于摺內恭呈

御覽合併聲明奏

聞恭候

欽定奉

旨此案批解不慎議以降調之黃增歷楊志道蔣惟忻汪元麟林映陳瓌
李源顧錫鬯向德一葉重熙俱情有可原着加恩照所降之級從寬留
任其劉崇董所孚孔傳太着該部註冊于補官日帶所降之級留任餘
依議乾隆十三年八月卽抄

旂丁買米轉賣比照盜賣行月食米例問擬

刑部爲特叅運弁失察盜賣漕糧等事該臣等會議得千總王琮失

察旗丁羅麟玉賣米一案據東撫楊疏稱緣江淮衛九都二十八
號旂丁羅麟玉領運糶米得有行月錢糧路經江南卽伯鎮因見米
賤卽買江米熟米附帶希圖至北發賣漁利乾隆十八年四月初九
日卅次聊城有李在天赴舡羅麟玉卽將所帶江米熟米議買江米
每石價銀二兩六錢熟大米每石價銀一兩五錢李在天允諾先付
銀五十兩李在天催工王玉德小船卽交江米七包計三石五斗熟
大米六十七包計三十三石五斗共三十七石卽與王玉德小船裝
載李在天找給銀九兩三錢五分交麟玉收明又付水手卽米出舡
錢每石小制錢十文共小制錢三百七十文又給王玉德船價小制
錢三百七十文運至河下被兵役盤獲經漕臣瑚將押運千總王
琮會疏題叅解任飭審研訊據羅麟玉供認不諱質之李在天亦
所供無異研訊王琮據稱領運漕糧糶米現已抵通金無短少其所

例身續地 卷十
賣之米寔係麟玉自帶江米熟米金無通同徇縱等語查據該縣劉朝宗驗明現獲之米委係糯米熟米且該舡糧又經接運于總金元武押通抵通交卸無虧所供似非捏飾將羅麟玉照例擬以枷責笞罪千總王琮金無通同徇縱應請開復等因具題前來應如該撫所題羅麟玉李在天均比照將行月食米盜賣盜買例各枷號一個月責四十板該撫既稱羅麟玉所得李在天米價銀兩同糧舡水手得過李在天出艙錢文均在羅麟玉名下一併照追入官受催小舡戶玉玉德雖不知情但不應聽從裝載應照不應輕律笞四十折責發落所得舡價無幾念係貧民免其追繳等語均應如該撫所題完結再該撫疏稱解任千總王琮審無徇縱情事且非失察盜賣正項漕米原恭解任應請開復相應聲明聽候部議等語查江淮衛九和旗丁羅麟王盜賣米石既經該撫審明該弁金無徇縱情事且非失察盜賣正項漕米應將該弁王琮原恭解任之案照例准其開復應令總漕給咨赴部另補恭候

命下臣部遵奉施行等因奉

旨依議乾隆十九年四月十八日邸抄

承追銀兩請豁後查有隱漏分別治罪着賠

兵部咨開武選司案呈內閣抄出大學士果毅公訥查奏正黃旗漢軍都統淳郡王恭奏馬兵張自南告恭領李據德等受賄一案該臣看得原任廣西馬平縣知縣張本闡拖欠接修城垣倉廩核減工料等銀經廣西巡撫將張本闡咨解歸旗勒限着追所有衣服什物家人男婦變銀一百五十兩六分零交過銀一十二兩零尚有未完銀一千五百十二兩八錢因張本闡無力完繳經該旗查明伊家產全無照例奏結在案張本闡到京後佐領張達向索土宜張本

開卽送銀十二兩後本闡欲行打點叅領向張達商量用銀四兩六錢買繭緞二疋轉送叅領李據德收受托爲照應張達又藉領催人等待飯名色收過張本闡銀十五兩俱行入已研訊佐領張達叅領李據德等已將得賍餽送寔情供吐如繪張本闡堅供除藏過盤費餘剩銀兩外寔無隱匿寄頓情事應將叅領兼佐領戶部員外郎李據德革職照監臨官吏所部內餽送禮物若因事而受者計賍以不在法論一兩之上杖七十律杖七十將佐領張達革職照監臨官吏挾勢求索所部內財物計賍不在法論一十兩杖七十律杖七十張本闡雖訊無寄頓財物情事但將盤費銀六十四兩內止交銀十二兩二錢其餘五十餘兩並不全行報出混行餽送花銷卽屬隱匿應將張本闡照隱瞞入官財物五十兩杖七十律杖七十李據德張達張本闡均係旂人各鞭七十繭緞銀兩均照追入官等因乾隆十

一年十二月十六日奉

旨依議張本闡應追城工核減銀兩已據該旗保題豁免今又審出餽遺請托諸弊其隱匿情節俱已敗露着將出結佐領驍騎校并收受賍物覆查不寔之叅領李據德俱照例着落分賠其保題豁免之都統以下各官亦俱着交部照例分別議處近來虧空之案具題請豁者甚多而竟無事後發覺者似此事後發覺乃百十中之一也故嚴處以示警至督催承追各官以爲朕多加恩寬免遂任貪劣之員營私寄頓草率完結國家帑項尤其細者而使貪婪侵蝕之風日熾豈所以肅吏治而澄官方乎此卽諸臣不寔心任事之左驗也着將此旨通行八旂各省知之欽此

伏案續增

卷十

五

Vertical columns of faint text within a bordered area, likely bleed-through from the reverse side of the page.

例案續增新二册卷十倉庫終

